

SCRIPT OF MORNING GOJRI NEWS BULLETIN 14JAN 2026 1015HRS

مارننگ گوجری نیوز بولیٹن 14 جنوری 2026

یوہ آکاشوانی جموں بے محمد اکرم تیں خبر سنو۔

DRONE SIGHTING

فوجی دستاں نے کل شام راجوری ضلع مانہہ قبضہ لکیر غے نال بھارتی حدود مانہہ داخل ہون آلا کثیر مشکوک پاکستانی ڈرونان نانہہ نشانو بنایو بے حکام نے دسیو بے کہ ڈرون پاکستان گا زیر قبضہ کشمیر غے پاسے پچھے مڑن توں پہلاں منجاکوٹ سیکٹر ور کج دیر منڈلاتا رہیا یوہ واقعہ شام 7 بجے غے قریب چنگس بیٹ گا علاقہ ڈونگا کالا مانہہ پیش آیو بے فوج نے جوابی عمل واسطے بغیر پائلٹ غے فضائی نظام اقدامات نانہہ متحرک کیو فوج گا سربراہ جنرل اوپندر دیویدی نے پاکستان غا ڈی جی ایم او غے نال حالیہ ڈرون دیکھیا جان گا معاملہ نانہہ سختی نال چائیو بے۔

ARMY CHIEF

فوج گا سربراہ اوپندر دیویدی نے زور دیتا واں کہیو بے کہ جموں کشمیر ماہہ شخص گام وادی غا بارہ مانہہ چین تے پاکستان غے درمیان 19 سو 63 گو معاینو غیر قانونی بت وادی ور دو ویں دلی گا موقف نانہہ دوہراتاں واں فوج غا سربراہ نے کہیو کہ بھارت شکسگام وادی مانہہ کسے وی سرگرمی نانہہ منظور نہیں کرے غو جنرل دیویدی نے یاہ گل چینی وزارت خارجہ گا ترجمان غے نال شخصسگم وادی ور تبصرہ ور میڈیا گا سوال گا جواب مانہہ کئی فوج غا سربراہ گزشتہ روز نویں دلی مانہہ ایک پریس کانفرنس نال خطاب کر رہیا تھا۔

SINGHAL LG MEET

شمالی ریلوے گا سننیر صوبائی کمرشل منیجر جموں صوبہ اوچیت سنگل نے لیفٹینٹ گورنر منوج سنہا نال ملاقات کی تے آن لائن کنیں منصوباں ور تبادلہ خیال کیو انہاں نے لیفٹینٹ گورنر نانہہ 2025 مانہہ جموں ریلوے ڈویژن کی کامیابی گا بارہ مانہہ دسیو تے 2026 واسطے منصوبہ بند اہم ریل منصوباں غو خاکو پیش کیو جس مانہہ بنیادی ڈھانچہ غی ترقی تے مسافراں غی سہولت شامل بے لیفٹینٹ گورنر نے سنگھل نانہہ آتی وششت ریل سیوا اعزاز 2025 حاصل کرن ور مبارک باد دتی تے ان غی غیر معمولی قیادت تے آپریشن سندھور غے دوران ریل چلان گا انتظام مانہہ منصوبہ بندی تے پچھلے سال اگست ستمبر مانہہ سیلاب غے بعد ریل خدمات گو انتظام کرن ور سہرايو۔

CM RESULTS

وزیر اعلیٰ عمر عبداللہ نے دسویں تے بارویں جماعت غا طلباء واسطے نیک خواہشات غو اظہار کیو بے جن گا امتحانی نتائج گو اعلان اج ہو ریو بے انہاں نے امید ظاہر کی بے کہ ان غی محنت گو صلوا ان نانہہ ملے غو تے ان ور

زور پائیو ہے کہ وے نتائج گی پرواہ کئے بغیر حوصلہ وراعتما رکھیں وزیر تعلیم سکینہ اتو نے وی طلباء ورا زور پائیو ہے کہ وے پر سکون تے پر اعتما رنیں جموں کشمیر سکولی تعلیم بارے بورڈ اج اکتوبر ، نومبر 2025 گا سیشن واسطے 10 ویں تے 12 ویں جماعت گا سالانہ امتحانی نتائج گو اعلان کررہیو ہے طلباء نانہ مشورو دتو گیو ہے کہ وہ صرف سرکاری ویب سائیٹ ورا نتائج دیکھیں تے کسے جعلی یاہ گمراہ کُن لنک ورا کلک نہ کریں۔

RANA TRIBALS

قبائلی امور گا وزیر جاوید احمد رانا نے کہیو ہے کہ قبائلی ورثو زبان رسم و رواج تے سماجی طریقا نال جڑیو ایک اندہ علمی نظام ہے تے اس غا تحفظ واسطے برادری غی شراکت غی ضرورت ہے وے آئی آئی ٹی جموں غا زیر اہتمام قبائلی ورثہ غی نقشہ سازی گا موضوع ورا منعقدہ ایک ورکشاپ نال خطاب کررہیا تھا انہا نے گوجری جیسی زبان غی اہمیت ورا لوکھلتاں بین الضابطہ تحقیق ورا زور دتو وزیر موصوف نے مستقبل مانہ تحقیق تے ورثہ گا تحفظ گا اقدامات واسطے قبائلی امور گا محکمہ گی طرفوں مکمل تعاون غو یقین دایو ہے۔

PRAGATI PROJECTS

صوبائی کمشنر جموں رمیش کمار نے کہیو ہے جموں کشمیر مانہ پرگتی نظام غے تحت برا بیادی ڈھانچہ منصوبہ تیزی نال آگے بدھ رہیا ہیں جس غی وجہ بہتر تال میل بہتر جوابدہی تے حقیقی وقت غی نگرانی ہے انہا نے دسیو کہ 61 بڑا منصوباں وچوں 15 ورا پرگتی غے تحت جانیزو لیو جارہیو ہے جن مانہ سب تیں زیادہ تعداد جموں صوبہ مانہ ہے انہا نے کہیو ہے کہ کلیدی منصوباں مانہ امرتسر کٹڑہ ایکس پریس وے جموں اکھنور پونچھ سڑک تے دیگر منصوبہ شامل ہیں۔

WEATHER

جموں کشمیر مانہ سردی غی لہر لگاتار جاری ہے، کشمیر مانہ کہت تیں کہت درجہ حرارت درج کی گئی، جد کہ جموں غا بعض علاقاں مانہ درجہ حرارت انتہائی کہت رہیو جس غی وجہ سنگ معمول غی زندگی متاثر ہو رہی ہے۔ اج سویرے جموں گا میدانی علاقاں مانہ گئی تھند چھائی رہی جس غی وجہ تیں گڈی غی آمدرفت متاثر ہوئی۔ محکمہ موسمیات غے مطابق 15 جنوری توڑی موسم خشک رہے غو تے 16-17 جنوری غے بشکار اچا علاقاں مانہ ہلکی بارش تے برف باری ہو سکے۔
